

AKT - THEMELIMI
(KONTRATË)
PËR
THEMELIMIN E SHOQËRISË TREGTARE ME
PËRGJEGJËSI TË KUFIZUAR
"SELDA INTERNATIONAL HEALTH" SH.P.K




Bazuar në ligjin 9901 dt 14.04.2008 "Për tregtarët dhe shoqëritë tregtare" i ndryshuar nëpërmjet Ligjit 129/2014 datë 02.10.2014, dhe të akteve të tjera ligjore dhe nënligjore, që rregullojnë fushën e regjistrimit, liçensimit dhe funksionimit të subjekteve tregtare në Republikën e Shqipërisë, në Tiranë, sot, më datë 04.11.2025, unë Selda Öztürk, lindur në Stamboll, më 21.10.1981 dhe banuese në Stamboll, shtetas Turke, mbajtës i Pasaportës/ID me nr: U21412746, madhor e me zotësi të plotë juridike dhe për të vepruar, dhe unë Ceylan Yiğit, lindur në Stamboll, më 25.12.1978 dhe banues në Stamboll, shtetas Turke, mbajtës i Pasaportës/ID me nr: U38241338, madhor e me zotësi të plotë juridike dhe për të vepruar, si dhe unë Mete Aydemir, lindur në Elazığ, më 14.12.1982 dhe banues në Elazığ, shtetas Turk, mbajtës i Pasaportës/ID me nr: U26220940, madhor e me zotësi të plotë juridike dhe për të vepruar, me vullnetin tonë të lirë, në cilësinë e ortakëve themelues, pasi themeluam shoqërinë tregtare me përgjegjësi të kufizuar "Selda International Health" SH.P.K shpallim statutin e shoqërisë tregtare si më poshtë vijon:

FORMIMI

Neni 1

Formohet shoqëria tregtare me përgjegjësi të kufizuar me emërtimin "Selda International Health" SH.P.K me tre ortak themelues:

- Selda Öztürk, lindur në Stamboll, më 21.10.1981 dhe banues në Stamboll, shtetas Turke, mbajtës i Pasaportës/ID me nr: U21412746.
- Ceylan Yiğit, lindur në Stamboll, më 25.12.1978 dhe banues në Stamboll, shtetas Turke, mbajtës i Pasaportës/ID me nr: U38241338.
- Mete Aydemir, lindur në Elazığ, më 14.12.1982 dhe banues në Elazığ, shtetas Turk, mbajtës i Pasaportës/ID me nr: U26220940.



Neni 2

Shoqëria tregtare **"Selda International Health" SH.P.K** do të ketë selinë në: Njesia Administrative nr.9, Rruga Bardhok Biba, Ish Kinema 17 Nentori, Tirane.

Veprimtaria e saj do të jetë me kohë të pacaktuar.

Shoqëria do të ushtrojë veprimtarinë e saj ekonomike në gjithë territorin e Republikës së Shqipërisë, dhe në çdo shtet tjetër të huaj, me miratimin e asamblesë së përgjithshme të ortakëve dhe në përputhje me ligjet e vendit apo shtetit përkatës ku do ta ushtrojë këtë veprimtari, duke zbatuar të gjitha dispozitat ligjore të vendit ku do të ushtrojë veprimtarinë e saj.

Neni 3

Shoqëria është person juridik shqiptar.

Veprimtaria e saj zhvillohet sipas dispozitave të legjislacionit shqiptar, sipas kësaj kontrate dhe statutit të shoqërisë të cilat janë akte ligjore të pandashme.




Shoqëria është me përgjegjësi të kufizuar dhe përgjigjet vetëm për pasurinë e saj dhe në asnjë rast nuk përgjigjet për detyrimet e ortakut/ortakëve jashtë kushteve të kësaj kontrate. Gjithashtu dhe ortakut/ortakët nuk përgjigjen personalisht për detyrimet e shoqërisë dhe nuk ngarkohen në asnjë rast për detyrimet jashtë kuotës së tyre në krijimin e shoqërisë, apo asaj që do të posedojnë në të ardhmen, përveç rasteve kur ai/ata vullnetarisht marrin përsipër për një gjë të tillë.

OBJEKTI I VEPRIMTARISË

Neni 4

Objekti i veprimtarisë së shoqërisë tregtare **"Selda International Health" SH.P.K** është:

- Shërbime të karakterit të kujdesit mjekësor dhe kurativ, në fushën e mjeksisë estetike për flokë, fytyrë, trup dhe shërbimeve dentare për qytetarët vendas dhe ata të huaj. Ndërhyrje të ndryshme të kirurgjisë jo invazive. Trajtime me pajisje mjekësore-estetike Ofrimi i shërbimeve të ndryshme në fushën e shëndetit dhe mjeksisë në funksion të aktiviteteve të mësipërme. Veç sa më sipër në shoqëri do të zhvillohet çdo aktivitet tjetër që vetëm ose së bashku me veprimtarinë kryesore të lartpërmendur, do të vlerësohen si të favorshme për zhvillimin, forcimin dhe rritjen e gjendjes ekonomike e financiare të saj. Tregeti me pakice e artikujve industriale, ushqimore, blektorale dhe bujqësore. Import - Eksport i tyre dhe produkteve kozmetike të karakterit kurues estetik.



Veç sa më sipër në shoqëri do të zhvillohet çdo aktivitet tjetër që vetëm ose së bashku me veprimtarinë kryesore të lartpërmendur, do të vlerësohen si të favorshme për zhvillimin, forcimin dhe rritjen e gjendjes ekonomike e financiare të saj.

Neni 5

Kapitali themelor i shoqërisë është caktuar në shumën 10.000 lekë dhe përbëhet nga 3 kuota me vlerë nominale totale prej 10.000 lekë.

Kapitali themelor, kontribuohet prej ortakut themelues, i takon ortakut si më poshtë:

- Ortaku, Selda Öztürk kontribuon, me pjesëmarrje në kapitalin e shoqërisë në masën 90% të tij, dhe posedon 1 kuotë me vlerë nominale 9.000 lekë,
- Ortaku, Ceylan Yiğit kontribuon, me pjesëmarrje në kapitalin e shoqërisë në masën 5% të tij, dhe posedon 1 kuotë me vlerë nominale 500 lekë,
- Ortaku, Mete Aydemir kontribuon, me pjesëmarrje në kapitalin e shoqërisë në masën 5% të tij, dhe posedon 1 kuotë me vlerë nominale 500 lekë

Ortakët e shoqërisë do të derdhin në llogaritë bankare të saj, shumën totale të përcaktuar më sipër, brenda 90 ditëve nga data e regjistrimit të shoqërisë në regjistrin tregtar pranë QKB.

Neni 6

Shoqëria fillon veprimtarinë e saj tregtare pas regjistrimit të saj si person juridik dhe në regjistrin tregtar pranë QKB.

Të ardhurat neto pas veçimit të fondeve si më sipër dhe shlyerjes së detyrimeve fiskale i mbeten për përdorim ortakëve të shoqërisë të cilët i ndajnë midis tyre në përputhje me vendimin e Asamblesë së ortakëve për caktimin e fitimeve.

Vendimi për caktimin e fitimeve (për shpërndarjen e fitimeve, për caktimin e rezervave apo mosshpërndarjen e fitimeve të vitit ushtrimor apo dhe fitimeve të mbartura), do të merret në çdo rast në mbledhjen përkatëse të asamblese së ortakëve të shoqërisë, me miratimin në mënyrë unanime me 100% të të gjithë kuotave të shoqërisë.

Asambleja e ortakëve mund të vendosë që të shpërndahen shumat e fondeve të rezervuara duke treguar shprehimisht llojin e rezerves ku janë marrë.

Fitimet neto të realizuara nga veprimtaria e shoqërisë si dhe shumat e fondeve të rezervuara, do të përdoren lirisht nga ortakët/ortaku i saj. Ortakët/ortaku do t'i disponojnë lirisht fitimet neto të shoqërisë si dhe shumat e fondeve të rezervuara, pas vendimeve të Asamblesë së Përgjithshme të Ortakëve, për shpërndarjen e tyre.

Ortakët e shoqërisë nëpërmjet vullnetit të tyre të shprehur me shkrim, janë autoriteti i vetëm ligjor apo ekzekutiv, që vendos dhe vepron, në lidhje me caktimin e fitimeve neto të shoqërisë apo shumave të fondeve të rezervuara, për shpërndarjen ose jo të tyre, për investimin ose jo të tyre, si dhe për mënyrën e ndarjes së tyre midis ortakëve të shoqërisë.

Në çdo rast, dhe rast pas rasti, fitimet neto të shoqërisë apo shumat e fondeve të rezervuara, do të shpërndahen midis ortakëve të saj, në raportet që ortakët e shoqërisë, do të miratojnë në mënyrë unanime, me 100% të kotave të kapitalit të shoqërisë, pas analizave vjetore të aktivitetit tregtar dhe financiar të shoqërisë duke marrë në konsideratë edhe performancën e ortakëve në funksion të realizimit të fitimeve të shoqërisë, pavarësisht raportit të kuotave që ortakët kanë apo do të kenë në të ardhmen në shoqëri.

Ortakët e shoqërisë, nëpërmjet këtij statuti të shoqërisë, japin miratimin e tyre të plotë dhe të përvokueshëm, për mënyrën e ndarjes së fitimit neto të saj, të përcaktuar si më sipër në këtë nen, duke hequr dorë dhe njëkohësisht duke humbur çdo të drejtë të tashme dhe të ardhme, për të pretenduar ndryshe nga sa është përcaktuar në të.

Cdo ortak ka të drejtën e transferimit jashtë vendit të pjesës së fitimit duke zbatuar dispozitat ligjore për këtë transferim.

Neni 7

Organet drejtuese të shoqërisë janë: **Asamblea e Përgjithshme & Administratori**
Asambleja e shoqërisë përbëhet nga Ortaku i vetëm i saj, dhe Administrator i shoqërisë është Z. Mete Aydemir.

Mënyra e formimit dhe funksionimi i këtyre organeve përcaktohen me statutin e shoqërisë.

Neni 8




Ortaku/Ortakët detyrohen të ruajnë karakterin e fshehtësisë të gjithë dokumentacionit, informatave, etj. Duhet të merren masa të plota për të shmangur përhapjen e çdo të dhëne që ka të bëjë me shoqërinë dhe që vlerësohet si sekret tregtar në bazë të dispozitave ligjore në fuqi në vendin e ushtrimit të aktivitetit.

Neni 9

Shoqëria mund të kryejë çdo veprim juridik që ka të bëjë me objektin e veprimtarisë së saj.

Neni 10

Kjo kontratë lidhet për një periudhë kohe të pacaktuar. Ky afat mund të ndryshojë me vendim të organit kompetent në përputhje me statutin e shoqërisë dhe me dispozitat ligjore në fuqi.



Neni 11

Dispozita të hollësishme për shoqërinë dhe funksionimin e saj përcaktohen në statutin e shoqërisë që i bashkangjitet dhe është pjesë përbërëse e kësaj kontrate.

Mosmarveshjet që mund të lindin midis palëve në se nuk gjejnë zgjidhje me bisedime e mirëkuptim, do të zgjidhen në Gjykatën e Shkallës së Parë, Tiranë.

Neni 12

Kjo kontratë u përpilua në katër kopje të njëjta në gjuhën shqipe duke depozituar kopjen në QKB për kryerjen e procedurave të regjistrimit në Rregjistrin Tregtar pranë saj, si dhe në çdo organ që kërkohet sipas ligjeve në fuqi.

Tiranë më, 04 Nentor 2025.

ORTAKËT THEMELUS:

Selda Öztürk

SELDA ÖZTÜRK



Ceylan Yiğit

CEYLAN YIGIT



Mete Aydemir

METE AYDEMIR

